

Sarajevo, 14.07.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 21-07-2022			
Org. jed.	Broj	Priloga	Vrijednost
01	-02-	1359	122

Jasmina Zubić, zastupnica
Predstavnički dom Parlamenta Federacije BiH

PARLAMENT FEDERACIJE BiH
ZASTUPNIČKI DOM
n/r predsjedavajući Mirsad Zaimović

PREDMET: Amandmani na Prijedlog Zakona o boravišnoj taksi

U skladu sa članovima 184. i 185. Poslovnika Predstavničkog doma Parlamenta Federacije BiH ulažem amandmane na Prijedlog Zakona o boravišnoj taksi

AMANDMAN I

-U članu 12 stav (3) tekst:

„Sredstva prikupljena po osnovu boravišne takse ne mogu se koristiti za finansiranje troškova materijalnog poslovanja turističkih zajednica uspostavljenih u skladu sa propisima iz oblasti turizma niti za isplatu plata i ostalih naknada zaposlenima u turističkim zajednicama.“

Zamjeniti sa sljedećim tekstom:

Sredstva prikupljena po osnovu boravišne takse mogu se koristiti za finansiranje materijalnih troškova iz člana 11 ovog zakona i za isplatu plata i ostalih naknada, maksimalno do 20% ostvarenih prihoda od boravišne takse u tekućoj godini.“

Obrazloženje

Članom 12. stav (3) utvrđeno je da se sredstva prikupljena po osnovu boravišne takse ne mogu koristiti za finansiranje troškova materijalnog poslovanja turističkih organizacija niti za isplatu plata i ostalih naknada zaposlenima u turističkim zajednicama. Mišljenja sam da ovakvo rješenje nije povoljno, upravo zbog postojanja gradova i općina koje operiraju sa skromnijim budžetima, i kojima će finansiranje troškova na ime isplata plata i drugih naknada zaposlenicima turističkih zajednica, biti značajno opterećenje.

U pregledu prihoda Turističke zajednice grada Tuzle, vidljivo je da pripadajući iznos boravišne takse iznosi nešto više od 10% ukupnog budžeta, tako da se postavlja pitanje ulaganja u razvoj turizma i turističke infrastrukture odnosno iz kojeg izvora bi se finansirala ovako značajne aktivnosti ne samo za turističke zajednice nego za društvo u cjelini.

Rješenje koje bi eventualno bilo povoljnije, jeste prenamjena utroška sredstava ostvarenih na ime boravišne takse, na način da se za dio tih sredstava utvrdi procenat u okviru kojeg će se ova sredstva moći koristiti i za druge troškove poput ulaganja u razvoj turizma i operativne troškove turističkih ureda.

Konačno, turizam u cijelom svijetu uključuje razvojne mogućnosti, promoviše solidarnost i razumijevanje preko granica, dok domaći turizam pomaže jačanju kohezije unutar naroda. Nadalje, ovaj sektor igra ključnu ulogu u usmjeravanju napora za očuvanje i promicanje prirodne i kulturne baštine te zaštite okoline.

Sve ovo čini još značajnijom potrebu da se globalni turistički sektor podrži i u vremenu krize, a to je posebno važno jer globalna zajednica, prema procjenama, ima tek 10 godina za dostizanje 17 ciljeva održivog razvoja (COR), a koji su navedeni u Agendi 2030. Radi se o takozvanom „Desetljeću djelovanja“, u okviru kojeg turizam može izaći iz trenutne krize kao još važniji doprinositelj provedbi COR-a. (Izvor: *UNWTO*)

AMANDMAN II

- U članu 18. stav (1) tekst:

„Inspekcijski nadzor nad primjenom ovog zakona obavljaju federalna uprava za inspekcijske poslove putem federalnih tržišnih, turističko ugostiteljskih inspektora, kantonalna uprava za inspekcijske poslove putem kantonalnih tržišnih, turističko – ugostiteljskih inspektora, svaka u okviru svoje nadležnosti utvrđene ovim zakonom.“

zamijeniti sa slijedećim tekstom:

„Inspekcijski nadzor nad primjenom ovog zakona obavljaju federalna uprava za inspekcijske poslove putem federalnih tržišnih, turističko ugostiteljskih inspektora, kantonalna uprava za inspekcijske poslove putem kantonalnih tržišnih, turističko – ugostiteljskih inspektora, kao i općinska /gradska inspekcija putem tržišnih, turističko ugostiteljskih inspektora grada / općine, svaka u okviru svoje nadležnosti utvrđene ovim zakonom.“

- U članu 18.stav (2) tekst:

„Inspekcijski nadzor u pogledu evidencije, obračuna, uplate i naplate boravišne takse u ugostiteljskim objektima za smještaj vrši Federalna uprava za inspekcijske poslove putem nadležnih federalnih inspektora, kantonalna uprava za inspekcijske poslove putem nadležnih kantonalnih inspektora“.

zamijeniti sa slijedećim tekstom:

„Inspekcijski nadzor u pogledu evidencije, obračuna, uplate i naplate boravišne takse u ugostiteljskim objektima za smještaj vrše federalni, kantonalni i općinski/gradski tržišni, turističko-ugostiteljski inspektori, svaka u okviru svoje nadležnosti utvrđene ovim zakonom“

Obrazloženje

Obzirom da je prema odredbama Zakona o ugostiteljskoj djelatnosti ("Službene novine Federacije BiH, broj: 32/09), propisano da rješenja izdaje nadležni općinski, odnosno gradski organ, te bi u skladu sa navedenim inspeksijski nadzor nad tim objektima trebao da vrši općinski/gradski tržišni, turističko-ugostiteljski inspektor."

Nije jasno zašto se u poglavlju "V- UPRAVNI NADZOR", posebno definiše nadzor nad namjenskim trošenjem sredstava i samo u tom članu navodi općinski ili gradski tržišni, turističko-ugostiteljski inspektori, a nisu navedeni u članu 18. kojim je propisan inspeksijski nadzor. U Tuzlanskom kantonu, općinske/gradske inspekcije ne vrše upravni nadzor, već upravni nadzor vrše inspekcije na nivou kantona, odnosno, u okviru Kantonalne uprave za inspeksijske poslove.

Inspeksijski nadzor je poseban vid upravnog nadzora, u skladu sa odredbom člana 15. Zakona o organizaciji organa uprave u Federaciji BiH, te smatram da bi sve odredbe koje se tiču nadzora inspektora, te poduzimanje mjera, trebale da budu u jednom poglavlju – INSPEKCIJSKI NADZOR.

Isto tako u svim ostalim članovima u kojima je propisana nadležnost kantonalnih i federalnih tržišnih, turističko – ugostiteljskih inspektora, treba da stoji "općinski/gradski tržišni, turističko – ugostiteljski inspektori.

AMANDMAN III

U članku 26 stav (1) tačka b) tekst:

„Sredstva boravišne takse utroši za finansiranje troškova materijalnog poslovanja, kao i za isplatu plaća i ostalih naknada zaposlenima u turističkoj zajednici (član 12. stav (3)) i“

Zamjeniti sa sljedećim tekstom:

„Sredstva boravišne takse utroši za finansiranje troškova materijalnog poslovanja, kao i za isplatu plata i ostalih naknada zaposlenima u turističkoj zajednici iznad 20% ostvarenih prihoda od boravišne takse u tekućoj godini“

Obrazloženje

Ukoliko se prihvati amandman broj 1, neophodno je uskladiti tekst člana 26. stav (1) tačka b) sa tekstom člana 12. stav 3.

s.r. Jasmina Zubić